



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service

JIRIBAM / HMARKHAWLIEN

C/o Babita # 9862129273

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600

Hmasawanna Thar Vol - 32/178

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

Medical Team in DIO Office an enfel



CCPUR: Zani zantieng 1:00PM khan hmung danga inthawka medical team hung Dr. Subhash Godara, Regional RCC Consultant, UNICEF le Arun Meitrum, State RMNCH+A Consultant hai chun District Immunization Office (DIO) enfelna an nei. Hieng Medical team mi pahni hai hi Behiang PHC le Singngat PHC an va kan zo hnung DIO/CCPur office hi enfelna an nei a ni a. Medical Team hin Dr V.C. Pau Tonsing, DIO/DFWO,

CCPur khawm inbiokuina neiin Maternity Ward, District Hospital le DIO a damdawi sie-a um hai enfelna an nei bawk a nih. Medical team hai hi Hospital thienghlimna ding, Routine Immunization le Mission Indhrad-nush tha lema feupi pei a ni thei dan ding bakah Cold Chain Management feth-lenga damdawi sie hai him taka sie an ni thei dan ding ngaitoua hung in ni a, zani zantieng khan Imphal an pan nawk tah.

World Malaria Day Pherzawl District-ah hmang ding



CCPUR: State Malaria Department a inthawh Officials thenkhat zani 11:00AM khan CCPur-ah an hung a, CMO Office Chamber-ah State Level World Malaria Day hmang ding le inzawma inrawntlangna an nei. Officials hung hai chu- Dr. L. Gajendro Singh, State Malaria Officer (SMO)/State Nodal Officer le N. Gopal Kishore, IEC-State Consultant hai an ni a, Dr Kim Simte, CMO, CCPur inrawinain inrawnhawmna

hun hi hmang a ni a, Dr Liangkawzang Guite, CMO, Pherzawl khawm a thang. World Malaria Day hi April 20, 2017 khin "End Malaria for Good" ti thupui hmangin Pherzawl District-ah hmang ni dingin ei thu dawngna chun a hril. Manipur State- sunga Malaria natna invawi hmuosuk tamna hmung tak Tipaimukh Constituency a ni leia Pherzawl District mikhuolnaa tukum World Malaria Day hi hmang tum niin ei thu dawngna chun a hril.

HAC Chairman dingin T.Thangzalam Haokip thlangtling a nih

IMPHAL: Zanikhan Hill Area Committee(HAC), Manipur Legislative Assembly Chairman ding thlangna a um a, member-hai chun khingtu um lo le lungruol takin T.Thangzalam Haokip an thlangtling. 11th Manipur Assembly election a khan T.Thangzalam Haokip alias T.T.Haokip hi Churachandpur District a Henglep A/C a inthawka BJP ticket a thlangtlinga nih. T.T. Haokip hin votes

8438 a hmu a, a khingpui laia ama hnaitu tak INC Candidate T.Manga Vaiphei in votes 8170 a hmu a, an vote hmu inthlauna hi votes 268 chau a nih. 57-Henglep A/C a hin candidates 6 an um a nih. T.T.Haokip chun hi sin hi a vawikhat chelna ding a ni a, a hriet nawhai inchuk peiin a sin hi ringum taka Manipur ram ta ding, a bik takin Manipur Hill Areas ta dinga rawng a bawl ding thu a hril. T.T.Haokip hin zanita intawk khan Chair-



man, HAC sin hi chelin a office a kai tan nghal. TT Haokip hi banker hlui niin kum 1998 khan

MSCP ticket in a hmasat- takna dingin MLA dinga thlangtling a ni a, hi tum hin Deputy Speaker dinga

thlangtling a ni a. Kum 2000, 2002, 2007 le 2012 Election haia khawm khan a ngir a, sienkhawm a tling zonaw a, 11th Manipur Legislative Assembly Election 2017 a khan thlangtling a hung um nawk a nih.

N.Biren Singh Chief Minister nina le BJP thuoina hnuoia Coalition Ministry a hin Cabinet Minister 12, Parliamentary Secretaries 12, le Corporation Chairman 5 an um tah. Manipur Legislative

Speaker le HAC Chairman hail eh chun chanvo nei hi mi 31 an tling phak tah. BJP thuoina hnuoia Manipur Coalition Government thlawp MLAs hi an rengin 33 (Speaker thangsain) an nih. Tuhin Deputy Speaker le Vice-Chairman post-hai a la ruok a nih. Hieng post 2 ruokhai hi a hlusiptu ding ruot an hung ni nawk chun, Coalition Government thlawp MLA-hai po poin(MLA-33) chanvo an hung nei el thei ding a nih.

Parliament Budget session zo a ni tah Session inthung sungin Bills 23 passed a nih

NEW DELHI: Parliament Budget session chu zanikhan tiemchin um lo dinga sukchawl a ni tah. Inpu pahni Rajya Sabha le Lok Sabha hai chu sukchawl ve ve tah niin, session nei sungin legisla- tions iemanizat passed a na, Goods and Services Tax (GST) Bill thangan Bill pawimaw tak tak 4 hai passed an ni bawk. Session sung hin Inpu pahni hai thupui pawimaw tak tak hritlangna nei niin, debate khawm vawi tam tak nei a nih.



Lok Sabha Speaker Sumitra Mahajan chun Budget session phase hmina chu hlawtling le ra tam tak nei niin a hril a. Lok Sabha a chun hritlangna nei dingin Bills 24 putlun an na, chu hai laia 23 hai chu passed an nih. Buoina tum tum lein session sungin darkar 8 chu umzie nei lova hmang (waste- ed) niin Lok Sabha Speaker in a hril a Chu lai zingin,

na nasatak neiin members tam lem chu an sosang nasa hle niin a hril bawk. Union Budget 2017-2018 le Rail- way Ministry sinthaw dan thu hai chu Rajya Sabha inthung huna ngaituona nei sawt tak niin Rajya Sabha Chairman chun a hril. Electoral reforms le Aadhaar card chungthu hai khawma hril a hlaw hle niin Chairman in a hril. Budget session tum hni nei sungin members hai taima takin an thanga a, thil hritlangna haia inruol taka members hai an thanga chu inchik tlak tak niin a hril. Session sunga zero hour 205 um hai laia 86 chu hmang an na, chu chu 42% tina a nih. Members haiin supplementaries 48% an hritlang bawk a, supplementaries um thei po chu 260 a nih.Parliament Budget session a phase hni- na chu March 9, 2017 a kha- tan a ni tah. (AIR)

Health Care Bill le Motor Vehicles (Amendment) Bill hai an nih. Union Budget 2017-2018 le Appropriation Bills hai khawm passed an ni bawk. Rajya Sabha chun Bills 14 an hmu a, chuong hai chu passed le Lok Sabha a pekkir an um niin Rajya Sabha Chairman Mohammed Hamid Ansari chun a hril. Chuong bills chungthu hril an ni huna chun, insel-

Vote tiem tha dingin ngenna an siem



IMPHAL: North East Development Party(NEIDP) chun zanikhan an party office Tera Luorakpam Leikai a inthawh DC Office, Lamphei, Imphal West District chen lampui hrawna an nei. NEIDP chun 11th Manipur Legislative Assembly election, 2017 a 19-Patsoi A/C a

vote tlaihai tiemna chu tiem that ni raw seh ti le Returning Officer chung- gah action lak ni raw seh ti ngenna a lampui hi an hraw a nih. NEIDP chun DC,Imphal kuomah mem- orandum an peklut a, hi memorandum a khawm hin vote tiem that dinga ngenna thu tho an ziek.

Enruk thaw students 4 hnawtdawk

IMPHAL: Council of Higher Secondary Education, Manipur hnuoia Class- XII exam centre pahni haia inthawh enruk thaw lein students 4 hnawtdawk an

nih tiin Council of Higher Secondary Education, Mani- pur thusuok chun a hril. Students 4 hnawtdawkhai hi pasal 2 le nuhmei 2 an nih.

Narcotic Cell han Kani kg. 2 an man

IMPHAL: Zani hmasa zan dar 6:30 vel khan Narcotic Cell, Imphal West District Police han Inter State Bus Terminus (ISBT), Khuman Lampak bulah Kani kg. 2, Rs. 2,50,000

manhu vel an man. Kani neitu ruok chu Narcotic Cell pawl a hmu le in- ruolin a Kani maksanin a tlanhmang hman lein man a ni nawh tiin Police thusuok chun a hril.

KIC in thusuok an siem

CCPUR: Saiton (Seituo) Khunou hmuna tharum in- suona thil tung chungthu- ah Pi le pu dana inremna siem a nita lein tukhawma inremna le muongna sukse thei zawnga thil tha w lo dingin Information Sec- retary, Kuki Inpi, Chura- chandpur (KIC) chun zan- ikhan thusuok a siem. March 4, 2017 khan Kuki khaw lal pahni, ADC CCPur member ve ve le KLA/KNO Defence Secretary han Assam

Rifles-a Captain Gaurav, COP, 42-AR inrawi Ass- sam Rifles hai kut an tuor a, hi le inzawm hin KIC chun Kuki hnam sunga pawl tum tum um hai hri- etpuinain April 10, 2017 khin inremna siem a nita thu thusuok chun a tarlang. SoO hnuoia um KLA/ KNO chun hi buoina thuah Saiton khaw mipui hai inpunna anga buoina chingfel tuma hma an lak a ni thu thusuok chun a hril bawk.

CHANCHIN LAKTAWI

ATWU bung- hei tawngtai zo

CCPUR: All Tribal Women Union (ATWU) GHQ inrawinaa April 10, 2017 a inthawka ni 3 sung Morgue hmuna bungheia tawngtai airuolna neia um chu Zani IPM khan zo a ni tah. Ni 3 sung hin Anti-Tribal Bills chungthuah Manipur sawrkar le JACAATB in- biekn chungthu, inbiekna sunzawm nawk le inremna a um theina ding hai thupui taka ngeia tawngtaiaruolna hi hmang a nih.

GNM le B.Sc (N) apply hun

CCPUR: Bethesda Col- lege of Nursing (BCN), Muolvaipei, CCPur a chun kum 2017 a B.Sc Nursing le General Nurs- ing & Midwifery (GNM) course inchuk nuom hai ta dingin Application form le Prospectus Office kai hun sunga lak thei a ni tah. Form peklut theina hun nuhung tak May 22, 2017 a nih.

GAS NEWS

Agency : SAS Booking : 8th. JAN., 2017 to 8th. FEB., 2017 Delivery:12-04-2017 (WED) Time : 8AM-till stock STOCK : 290 Rate: Rs. 884 Bungmual Indane GV Booking: Feb.21 to March 4. Stock: 306. Time: 8:00am-12:00 noon

Selection & Appt. Committee indin

IMPHAL: Govt. of Mani- pur Order No. 11/1/90- FCS (pt-II) dated. 14th Dec. 2012 dungzuiin CC- Pur District-a Fair Price Shop Dealers le S.K. Oil Sub-Dealers 'Selection and Appointment Commit- tee indin a nih. Hi dung- zui hin DC, CCPur chu hi Committee Chairman dinga ruot a ni a. SP, CCPur; Addl. DC, CCPur; CEO, ADCC; SDO/BDO;

ZEO/CCPur; District Agri Officer/CCPur; EE/PWD CCPur; EE, MSRRDA, CCPur le DSO, CCPur hai chu Member dinga ruot an nih. Hi le inzawm hin April 17, 2017, 11:00AM khin Committee Office-ah meeting nei ning a tiin R. Sudhan, DC, CCPur chun zanikhan inhrietirna a siem a, members hai chu kim taka thang seng dingin an hrietir bawk.

Training tan nawk

CCPUR: State Bank of India-Rural Self Employed Training Institute (SBI-RSETI), Bijang a chun zannikhan Piggy training tan a ni a, Piggy training-a hin mi 26 an thang a, training sungin P. Khamsanglian, Progressive Farmer in Vawk Vai dan training peng a ta, S. Mangboi Vaiphei, Faculty, SBI-RSETI in Rural Entrepreneurship Development Program (REDP) tiengpang training peng a tih.

Meeting huna hin member laklut balsa dan ding bakah an rang thei anga Delhi-a palai tir ding, April 22, 2017 a JAC inrawinaa Tribal Movement ni 600 tlingna hmang dan ding thu hai khawm an hritlang.

JACAATB in member laklut sa dan ding an rel

CCPUR: Joint Action Committee Against Anti- Tribal Bills (JAC-AATB) inrawinain zani zantieng 2PM khan YPA GHQ Of- fice, Hiangtam Lamka hmuna meeting nei a ni a, hi huna hin LZ Fanai, Sec- retary (Home), MPC chun Manipur CM N. Biren Singh inrawinaa April 10, 2017 nia JACAATB palai hai le in- biekn report a pek a, meet- ing huna hin UZO GHQ, YPA GHQ, MPC GHQ, STC GHQ, TCU GHQ etc. hai an thang a, JAC-AATB a member laklut balsa dan ding hritlang a nih. JACAATB chun Mani- pur-a BJP in sawrkarna an chel hnungin inbiekna



vawihni April 7 le April 10, 2017 hai khan nei a ni ta a, inbiekna haiah martyrs hai ruong vui a ni thei dan ding le Bills pathum hai dodalna leia hliemna tuork hai chungthu bakah thu dang dang hritlang a ni a. Inbiekna nuhung April 10, 2017 a nei huna khan in- remna um thei lo le inbiek

HI in HMARTOB

hmalakna mipui lo thlawp seng dingin a ngen

CCPUR: Hmar Martyrs Trophy Organizing Board (HMARTOB) in 2017 State Level Hmar Mar- tyrs Day hmang ding le inzawma Football Tourna- ment an buotsai chu Hmar Inpu GHQ in a hrietpui a, hi le inzawma Tuithaphai Hmar khuo- tina Organizer han In tina thanguina Rs. 50/- daw- dinga rawtna a lo siem chu mipui han lo thlawp seng dingin Hmar Inpu GHQ chun a ngen.

Digi-Dhan Mela nei a nih



IMPHAL: District Ad- ministration, Thoubal le Department of Information Technology, Govt. of Mani- pur hai chu thanguolin zanikhan Basu Ground, Khangabok, Thoubal-ah One Day Digi-Dhan Mela an huoihawt. Hi huna hi cashless transaction thaw dan ding mipuihai huomah inchuktur a nih. Hi Mela

hi Education Minister Th.Radheshyam, Chief Sec- reatry D.Nabakishore, I.T Commissioner P.K.Singh le Thoubal DC Shyam Lal Poonia hai khawma an uop tawl. Pawisa thang lova indawrtuona hin pawisa thienghlim lo dona kawng- ah a mi thanguoi ding a nih tiin Th.Radheshyam chun a hril.

Mini Truck eksidenah IRB 1 a thi

IMPHAL: Zani hmasa zanril lai khan Tamenglong Dis- trict a Tousem Sub-Division huop sunga Oinamlong area- ah Mini Tata Truck(407) a eksiden a, 7th IRB a Subedar Paul a thi a, Truck khaltu Ranbir na takin a hliem

hi Education Minister Th.Radheshyam, Chief Sec- reatry D.Nabakishore, I.T Commissioner P.K.Singh le Thoubal DC Shyam Lal Poonia hai khawma an uop tawl. Pawisa thang lova indawrtuona hin pawisa thienghlim lo dona kawng- ah a mi thanguoi ding a nih tiin Th.Radheshyam chun a hril.

Ka thiemna le varna lei nisien tlinna ka nei nawh: Vungzagin Valte

IMPHAL: 11th Mani- pur Legislative Assembly Election, 2017 le inzawma 56-Thanlon A/C MLA le MTDC Chairman Vung- zagin Valte ta dinga Core Committee huoihawt- nain zanikhan MLA V. Valte quarter, Lamphepat, Imphal hmuna Prize Dis- tribution of booth wise Per- formance cum cluster com- mittee meeting nei a nih. Hi huna hin ditsaktu, workers le Committee members hai an thang tawl a. Thanlon A/C sunga Polling Booth tum um haia BJP ta dinga vote tlak rawn na tak hai kuomah lawmman in- hlanne nei a ni bawk. BJP ta dinga vote tlak tamna lawmman hi catego- ry 3-a the a ni a, Category



pakhatna votes 900-1000- chen umnaa BJP ta dinga vote tlak tamna tak chu Mualnuam le pahna Thu- angtam PS kuomah Rs. 3 lakh inhan an ni a, catego- ry 2 votes 500-900 umnaah Mualkui PS in pakhatna an lak a, hi hmuna vote thlaktu Mualkui, Umтал, B. Munpi le Thiekbang hai kuomah lawmman Rs. 2 lakh inhan an ni a, category 3-na votes

ka nei nawh. Pathienin ka sinthaw hmabak la sun- zawm dinga a mi dit leia bieltu mipui hai ditsakha le thlawpna leia thlangtling- ga um nawk ka nih tiin hi huna thu a hril huna a hril. BJP inrawinaa Coal- tion sawrkarah BJP sunga minister changlo tam tak um hai sienkhawm buoi- na um loin party tum tum thanguola chanvo peka um hai lungawi taka an pawm seng thu a hril a. Election buoina ieng- khawm um lova nei a nina thuah Pathienin khawmah lawmthu hriin, mihiem ninaah tukhawm famkim ei umnaw lein ei tlin nawna haiah inthanguituo ding le thurawn tha hai pe pei dingin ngenna a siem.

ARTICLE/HEALTH & EMPLOYMENT NEWS

SEVEN WORDS ON THE CROSS

Hmasawna Thar

(Kros a Isu ƚawngbau pasari hai)

Rev. Dr. H.M.Songate Songate



Ei Lalpa Isu'n a thi tawmin kros lerah ƚawngbau pawimaw tak tak el pasari a hril a. Chuonghai chu sermon bukima siem thei seng nihai sien khawm, a point tlawmte te hang la dawkl inla, Good Friday ei hmangna dingah nasatakin ami ƚangpui thei ka ring. Lekhabu tiem inhawi tawka ziek khawm iemanizat lai a um. Hieng Isu ƚ awngbau hai hi a dawta a hril an nih a, ƚawngbau suok ropui, inthuk tak tak, umzie ropui tak tak nei vawng an nih. Hieng 'Seven words on the kros' haia inthawkin ei Lalpa Isu Krista lo tuor dan rapthlak zie, inzakna a lo tuok nasat zie le lingsiet a um zie hmu thein a um bawkl. A thu hai ka hang ngaituo veng veng chang chu 'hieng lawm lawma tuor lo khawmin amilo sandam thei tho naw mani aw' ka ti hlak! Muolphona le hmusitna, deusawna le sukudana a tuor hai hi a rapthlak bek bek a nih. A ƚawngbau tin hai hi sermon puitlinga siemthei vawng an nih. Good Friday urlawkl hun sung (passion week) huna Pathien thu ei ngaituonahai le ei tiemhai a mi ƚangpui ngei beisei in tawite te in ei hung tarlang a nih

First word (ƚawngbau Pakhatna-Luka 23:34): "Pa anni hi ngaidam rawh an thilthaw hi an hriet naw ani hi"

Hi Pathien thu hin ka lungril a hne em em hlak. Sap ƚawnga Pathien thu ka hril na ah hieng ang hin ka hril 'a prayer that shook the world' (khawvel sukhnig thei ƚ awngtaina) ti le 'a prayer than stunned the world' (khawvel mihai mak ti khawp ƚ awngtaina) tiin. Ngaidamna ƚawngtaina hin thil a thawthei emem. Mathai 6: 44-46 a tlang chung a sermon na a kha "I hmelmha hmangai la a suknamnatu hai che chu ƚawngtai pek rawh" a lo ti a. A sermon angin a hringa, a hringna kha alo sermon a nih. A lo sermon ang ngei chun a thi ding tawm chen khawmin a suk namna tuhai ta dingin ala ƚawngtai ngawi ngawi a nih. Mi ta dinga malsawmna ni ding le thilthawtheina nei ding chun hmangaina a hring angai zie a suklang. Eini rawi chu mi ei hmupei naw ringot khawm tamtak an um el thei! Chuonghai ta dinga ƚawngtai chu hril lo; an natna le sietna ding ngaituo in ei invel ruoi lem hlak a, ramtin ramtang thu phuokfawm chenin ei bawzui khum hlak! Ami suknamnatu hai le mi hril sie zing zing hlaktuhai ta dingin ƚawngtai pek thei ei ti? "Phuba hrim hrim ka kuta um a nih" a ti. A ƚawngbau hmasatak thilthaw theina chu kross lera an khai ve pakhatpa chung a lang nghala, ei ni rawi ƚawng takin "a piengthar tawp" el a nih. Pathien thu thil thaw thei zie a suklang hle. A ƚawngtaina kha a powerful em leini Sipai za hotupa khawma a tuorzo hlawl nawha. In a tung kha a piengthar ve hlawl el a nih! Hi ƚawngtaina hmangthei tuhai chu "Graduate Christians" (Ringtu puitling/ringtu BA) tia ko an nih. Hi ƚawngtaina hi ringtu puitling haiin an hmang hlak a. Bishop pakhat chu hieng ang hin a ƚawngtai hlak "Lalpa, Ami hmelmha tuhai hmelmah Krista hmelm min hmutir rawh" tiin(RBC). Mi'n an mi hrilisea ei chungah thil thanan an thaw pha thungrul (revenge) ei nuom ve hlak am? Good Friday hmang rawn rawn hai hi ngaidamna lungril nei theinaw ni inla a hawi hlak! Good Friday hlakpui I nuom tak tak chun, Krista mizie (character) hi copy tum ding a nih. Stephen in hieng ang char in Isu hnung a hung zui ve!

Second word (ƚawngbau Pahnina -Luka 23:43): "Titak zetin titak zetin ka hril che hi, wawisun hin ka kuomah paradise ah um veng I tih"

Hmangaina a sip ei Lalpa Isu chun a thi tawm chen khawmin a hung nasan 'misuolhai sandamna' sin ala thaw hram hram a nih. A ropui hle! Misuola ei ngaihai, Zu dawn mi hai, drugs chinghai, inru hmanghai, hlephu hmanghai, nawchizawrhai, AIDS a nahai tading in ei kohran lai hmun a um ve am aw! Kohran hai hi ei insuk thienghlim fawm taluo ta deu naw maw? Pathien hi misuolhai Lalpa ani leini mifathai Lalpa ni a nuom ngai naw a nih. Sap ram hmun thenkhat ah chu christianhai hi "Righteous club" (Mi inti ƚa umkhawm) an ti hlak. Vanguoi thlak takin ei ni lai khawm ei hung ni pei ding a hawi.

A ƚawngbau hmasa lem ngaituola tulaia ringtu hmasa tak chu kross lera an khai ve pakhat pa kha a nih. Mipuiin khang lawma an sawisak le hmusitna rapthlak taka an khekl khum mumur dam, chil an sak khuma, an ti elna popo kha a hmu zinga. ƚawngsie inphur ve el awm tak, an ta dinga ngaidamna ƚawngtaina ala hei nei kha; kross lera pakhat pa hin alo hmu chieng emem a. Pathien nau/Pathien tak tak naw chun khang ang kha a suknamna tuhai ta dinga a ƚawngtai pek thei ding in aring naw leini, Isu a chau lai tak, lingsiet a um lai tak, ruol ding anei naw lai tak, bel tu ding anei naw laitak, Hmangaituo anei naw lai tak, an rienglai tak, hmusiet le tirdak a um lai tak nisien khawm, Isu ƚawngtaina lei kha 'Thi le thi' tiin a hei baw phei nawka, Sandamna sin Isu'n a zo hmaa damna chang umsun a nih. Halelujah! Ti naw thei an nawh. Isu hi misuolhai Lalpa ani ang bawkin Pathien kohranhai hi 'misuolhai' hmangai lo lawmlut ve ding ei ni zie a suk chieng. Paradise ah mi iengzat tak am thuoiut ve'ng ei ti aw! Mo popo Ama thein ni hup a a kuoma thuoiut vawng kha a thiltum a nih. Kross chanchin hi ei ni le ei ni kum 100 chuong ei inhril ei inhril tah a, a hrenaw lai ei hril chak ve am maw!

Third word (ƚawngbau Pathumna -John 19:26-27) "Nuhmei centa, I naupa kha" - "En ta, I nu kha"

Ei ram kohran laia Sermon dinga ei ngaimaw emem ƚala ka hriet le dit chu hi Pathien thu hi a nih. Nu in nauhai an hmangai angai zie a suklang. Tulai nu tamtak nauhai neka mani inngaisak lem le inngaituo lem an tam ta hle a nih. Inti Pathien thu awi emem si insung ngaisak lo ei tam ta hle el thei bawkl. Mi lai invak suoka Pathien thu hrila hlim emem si, insunga nauhai ngaisaklo, insungah hring zo lo nu ei tam tah. Nauhai hi Pathien thua invawi le inchuktir ei mawphurna a nih. Pathien hmangaina in nauhai hmangai ei ta, Nauhaiin, nu le pa hai Pathien hmangaina in ei hmangai ding

a nih. Ei insungah, Krista laklut hi in elna takin hmang inla a ƚa awm. Hi Pathien thu hi ei zawm tawkl naw leini mi tamtak insung setanin a suk siet zo an tah. Chun, nauhaiin nu le pa hmangaina chang hriet chu hrillo, nu le pa inza na chang takngiel khawm an hriet ta nawh. Thupek laia ƚang si, ei hril tlawm emem a nih. Nauhai popo in nule pahai lo tiemnwaw hai sien khawm Pathien thu dan thil hmangai inza ding ei nih. Ei Lalpa Isu'n a thi tawm chena an wavi chu anu Mari le a unaupa Johan a nih. Ei tribal societia dingin a pawimaw emem. Hril dan chun Isu in thilmak a thaw hmasa tak hma kha, apa Joseph chu thi tah a ngai a nih. Chuleiin, Mari, Isu nu kha hmeithai an ta a, rethei taka, chamlaka um a nih. A nau danghai kha Isu anla ring bawkl naw leini. Chuleiin kha nia inthawkl kha hmeithai Mari chu a zuorpuinu in ah a thi hma po kha a um an tah. Nauhai, in nu le pahai inhmangai am ie? Hindu le Muslim ƚalai hai khawma annu le pahai kristienhai hai nekin an hmangai lem tah! Nuhai, in nauhai thlarau in hmangai taktak am aw? Pathien thu lawm emem el ringawkl lova mani insung senga laklut a hun tah. In sungah Gospel lalut ei tiu. Milaia Pathien thu hlim sarin ei khekpuia, mani insung ah Keite huoi ang elin ei um hin, ei insung ei inhmang zo ding a nih. Insung invawina piengpui ei tiu khai. Nu le pa hai le nauhai inkar hi Gospel in a ƚ ingmit a ngai a nih.

Fourth word (ƚawngbau Palina) Math 27:46 & Marka 15:34 "Ka Pathien, ka Pathien, ieng ding imi maksan am?" (Eloi, Eloi, lama sabakthani?)

Hi thu ka tiem chang hin, ka hmul thi an ding sur sur hlak! A hmangaitak le an nghanat tak Apa a Pathien lether in zamsan khawpa hmangaina sin zuk thaw el chu, ava rapthlak de! Martin Luther in hrilfiena abuotsai lai hi Bible cheng a hrilfie dingin Ni thum bu ngheiin a ƚawngtai Pathien in a dawna chu 'Pathien meu Pathien in a zam san chu thitheih mihriemha' (mortal man) iengtinam hre suok thei inta' a tih. A rapthlak veng veng maw! Ei beidawng tawpkhawka tlan lutna ding ei neinaw pha Pathien kuomah ei tlan luta, ami lo lawm hlak ana. Isu ruok chu, a tlan lut khawmin dawnin a um ve nawh. Ama khat lieu lieu in ƚangpuitu um lovin tlanna sin alo thaw a nih. (The only unanswered prayer in the bible is the prayer of Jesus!). ƚawngtaina rapthlak tak a nih. Isu kha nang le keia leini mi popo le Pathienin an maksan a nih. A khat chauin kross ah inzakna, muolphona, natna, khawsawna, lungaina le thlaphangna hril senglo a tuok a nih. Kross lera ama khat chaw maksana a um kha a huntawkl ta vei leh, wawisun chen hin eila tlansan zing el chu ana maw! Nu le pa, thalaihai ei rengin Lalpa Isu tieng kir ei tiu. Ei suol leia atuorna theinghil lovin. Ei hmangaina ei hringna ah ei suklang ve angai.

Fifth Word (ƚawngbau Pangana -John 19:28) "Ka dang a char ie"

Hringna tui petu le dangcharhai hnetu Pathien meu nang le kei a ta dinga dangchar taluo a thi ding tawma a hang khekl el hi, ngai ngam an tak hle. A tiem takngiel khawm ei tiem tha ngam naw chang a um hlak! "Tu khawm a dangchar chu ka kuomah hung raw se" titu kha dangchar le chauin kross lera a khekl a nih! Mi tamtak sukdamtu kha dangchar le natna tuorin kross lerah an rum a nih! Mi tamtak sukdam hlaktu kha a taksa a thisen le tui a luongsuok vawng leini dangchar in a khekl a nih! Ei hmelmahai khawm nisien hieng beidawnga dangchara khekl hi, Tui tam deu ei van dawn tir kan ring! Pathien nau tuorna ding chun "a bek bek taluo deu a nih! Hieng ang lawma tuorna nasat zie hi tu inam hrilzo thei an ta? Lungril takin ƚawngt aina leh hang ngaituo zawm la malsawmna dawng ngei I tih! Vawisun chen hin ringtu lai le 'Kohran lai chenin' dangcharin a khekl zing a nih. Isu dangchar hnetu ding ei ni naw?

Sixth Word (ƚawngbau Parukna -John 19:30) "Akin tah"

Hmelmha a hnena rawl inring taka a khekl hi ngaiuom um ka tih. Thina nuhnung hne in, a khat chauin, hnuoi le vanah tukhawmin ƚangpuitu um lovin, khawvel suol popo a phur zo ta leia hnena rawl hi a mawi em em a nih. Nang le kei khawmin ei mawphurna rawngbawna hi a tawp chena phur muolsuo dingin ei in buotsai a ngai. Lalpa kuoma I thutiem hai kha theinghil naw rawh. Tuor muolsuo ngei ngei dingin Isu ring ei tiu khai. A tawp chena ringum ding le Hringna Lallukhum hlakw dingin "A kin tah" tia hnena hla ei insam ve angai a nih. Khawvel suolna chi dang dang, duamma, hmasielna, hurna, inthik tuona le suolna popo hnea "A kin tah" ti thei dingin tukum Good Friday ah hin insiem ei tiu. Natna, harsatna, thlemna chi dang dang I tuokhai kha hne ngei dingin Lalpa Isu pan la 'Hnena chu Lalpa ta a nih'. Hnena changin Satan le suol hi ei suklawm ding a nih.

Seventh (ƚawngbau Pasarina -Luka 23:46) "Pa, I kutah ka thlarau kan kawltir"

A Pa in en ngam lovin zamsan sienkhawm, hnena a chang zo hnungin a hringna A Pa kuomah an kawltir a nih. Chuleiin a nih, thina in adang zo nawha, thlan khawmin a dang zo nawh. Nang te, I hringna tu kuom am a um a? I hringna tu kut am a um a? Thi muongtheina I nei takzet am? Eini rawi khawm ei hringna Lalpa kuoma a um hi ei vangnei hle a nih. Ei damlai Pathien nau nina inlang hrim hrim lovin, thi nikhua Pathien kuoma ei inpek sawng vet le vanram ei inkaitir tawl vet hi fimkhur deu ngai a tih. Hieng lawma mi hmangai mi hung ƚawngtu tieng kirnawkl ei tui, lawm le hlimin inpak ei tiu. Good Friday hmang tuhai le hi chanchinbu tiemtu hai popo Lalpa'n thuoiin, hringna tak tak innei theina dingin mal sawm raw se cheu! Amen

VAWISUN THUPUI

Mihriem lampui tin el chu mihriem mithmua chun an dik a, amiruokchu Lalpa chun lungril chu a buk hlak a nih. Rorelna le thil fel naw hi, inthawina nekin Lalpa ta dingin pwwmlak a ni lem.

- Thubarhai 21: 2-3

Editorial

Secular ram

India ram hi 'Mipui sawrkar, mipui ta dinga mipui thlang (Government of the people by the people and for the people) Democracy ram a nih. Political system-ah inghattir pakhat neka tam an um a, party tin han sawrkar siem tumin mipui lai aninawr hlak. Sawrkarna an chang huna ram le mipuihai ta dinga sin thaw ding sawpsuok ƚa tak takhai an siem hlak a, sienkhawm a reng a rama an hlawtling vawng kher ngai nawh. Party thenkhat lem chun an sukpuiting thei der naw ding chenin an intiem a, vadung um nawnaa khawm leilak daw dinga intiem khawm an um hiel hlak niin an lang. Democracy hi prty besan a ni leini an betchil khawm an tam a, a chang lem chun harsatna an tluon hlak. Sakhaw invetchil an um ang tho hin party invetchil khawm an bo bik nawh.

Khawvela rambung tam takhai hi democracy ram ni lovin Theocracy ram dam, Autocracy ram dam, Anarchy ram dam, Monarchy ram ram, Plutocracy ram dam an la ni tawl a. Theocracy rama chun, sawrkar kha sakhuo bik an nei a, chu sakhaw mil chun sawrkar kha a fe hlak. Autocracy rama chun mimal thuneina vawrtawp hmanga rorel hlak a ni a, Anarchy rama chun dan mumal bovin ro an rel hlak. Plutocracy rama chun sawrkar thuneina or ram thuneina mi hausa le mi neinungai kutah a um hlak. Monarchy rama chun ram rorelna chu mi pakhat chungah a um hlak.

India ram ruok chu Democracy, Secular ram a nih. Khawvela khawm India chu Democracy ram ropui tak pawla ngai a nih. Sawrkarin sakhuo bik a neinaw a, Secular ram a nizie tarlang a ni nghe nghe a, chu umzie chu khuo le tui hai chun ƚa ei ti le ei dit dit saku ei chelin ei biekl thei tina a ni a, sakhuo zalenna ram ti thei a ni bawkl. Sakhuo zalenna rama um ei ni hi ei vangnei a, sakhuo bik nei sawrkar le rambung chenghai inhnar ei nih. Ei ram danpui thumhmaruoi, Preamble-a ngei khawm India chu sakhuo bik nei lo, Secular ram a nizie tarlangin a um nghe nghe a nih. Hi kawngah hin chu ei vangnei hle a nih.

Hienganga sakhuo zalenna rama khawsa le cheng ei ni leini Manipur a cheng, hnam tlawm lem tribal-hai khawmin ei dit Kristienna sakhuo ei zui theiin ei biekl thei pha a nih. A thenin Juda sakhuo an zui a, Israel rama inpem pha ta hiel khawm ei um a nih. India rama chun Hindu sakhuo zuitu an tam lawr tak a, a dawttu chu Mosalman sakhuo zuituhai an nih. Sakhuo dang dang hieng, Sikh, Jain, Buddhist etc sakhuo zui khawm an um bawkl. Kristien sakhuo zuitu tak lem hi chu tlawmte chau ei nih.

Sawrkarin dan a siem dingin anawleh ram ta dinga thil ƚa ding nia a ngai a thaw dingin ieng sakhuo bik amani a rawn ngainaw a, a rawn a thieng bawkl nawh. A rawn a ni chun Secular ram a nina India Danpuia khawm zieka um kha a pal-zut tina hung ning a tih. Hindu amani, Mosolman amani, Kristien amani dit dana a fe a thieng naw a, Kohan chu hril lo, ieng sakhuo bik amani a rawn a thiengnaw a, Secular ram ei nina hi hriet zing ding a nih. Danpui kalin sawrkarin sakhuo pakhat amani Kohran amani rawn ta lem sienla, sakhaw dang bie han iengtin am ngai an ta? Secular amani Kohran amani a rawn an dik naw a, danpui pawisak nawna hung ning a tih.

Ei hriet seng angin sakhaw thila kulmut taluo le sakhuo thil invetchil India ramah hin an um hlak a. Hienghai lei hin buoina a suok rawp hlak. Sakhuo hi invetchil chi a ni nawh. Secular rama um ei nih ti hi hriet tlat ding a nih. Sakhaw rawng kai zawnga politics khel an um pha pha buoina a suok rawp hlak. Secular ram ei nih ei tia chu India rama hin a chang hin chu sakhaw thila inthlier hranna le in-sukudana a um hlak a, a pawl takzet a nih. Hi thil hi ei ram inpumkhatna sukse thei ding a ni leini ei fimkhur hle nuom a um.

Delhi court-in Mallya non-bailable warrant insuo khum

NEW DELHI: FERA bawsietna leia court in a ko huna an lang naw leini, sumdawnthu Vijay Mallya chu zanikhan Delhi court in non-bailable warrant an suo khum. Enforcement Directorate (ED) in nikum November 4 kha Vijay Mallya chu non-bailable warrant a lo insuo khum ta hrim a na, la sukpuiting lo nia hma an lak lai mekin, zanikhan Delhi court-ah warrant chu peklut niin, chu dungzuaia Chief Metropolitan Magis-

trate Sumit Das in warrant chu an suo khum a nih.

Tuta Delhi court in warrant an suo 'open-ended NBW' hi 'NBW' pangngai anga tawp chin neilo a nih. Court chun case le inzawmin hung tung ding November 8, 2017 hin hearing nei nawk dingin a ti a, chu huna chun Vijay Mallya khawm inlang ngei dinga ti a nih. Zanita court thusuok le inzawm hmalakna chu thla 2 hnunga report pelut dinga ti a ni bawkl. (AIR)

Editorial Board

Lalmalsawm Sellate: Editor & Publisher

Roding L. Sellate: Jt. Editor

Ramditum @ Rama Ralsun: Asst. Editor

Lalsansuok Pulamte & Samuel Zothanglien@SZ Zote: Sports

Joseph Joute: Freelance

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

Office of the HMAR STUDENTS ' ASSOCIATION (STATE COORDINATING COMMITTEE)

PRESS RELEASE

12th April 2017, Churachandpur

The State Coordinating Committee, Hmar Students' Association, Manipur would like to state to all concerned that the creation of Pherzawl District is a boon for the people who are living in the far flung remote hill-areas of South Manipur.

It is the hope, and the expectation of the HSA that the creation of the new district would be a prelude to development in line with administrative convenience; which would soon be manifested with the due development of the newly created Pherzawl District.

The HSA, would go all out to assist the Manipur State Government in all its endeavours to bring about changes for the betterment in the remote hill-areas covered by the new district.

At the same time, the HSA is equally disheartened to learn of some vested interest from certain quarters who are determined to carve out a new district by altering the areas covered by Pherzawl District and Churachandpur district. It is the sincere appeal of the HSA to the State Government and to all concerned not to alter the area and status of the newly created Pherzawl District in anyway or under any circumstances.

The HSA believes that the districts were not created on community basis but solely on the purpose of administrative convenience and that Pherzawl District would be a haven of development and progress for all of all the communities living there.

Any intention to bring about changes in its area and status is uncalled for and not at all a necessity. The HSA believes that brothers should live together amicably in peace and harmony.

The HSA would resist any intention of marring the status of Pherzawl District in the interest of peace, progress and development.

The HSA is a firm believer in peace, harmony, development and progress of all the cognate communities living in Churachandpur district. It is the firm belief of the HSA that status-quo be maintained concerning the area of Churachandpur district as the District is a beautiful mosaic of sister communities living together since time immemorial.

The HSA wishes the new State government success in its endeavours to usher in peace, development and progress in the state of Manipur and the hill-districts in particular.

It is the prayer of the HSA that all the needs of Pherzawl District would soon be addressed; and that progress and developmental works would soon begin in the right earnest.

The construction of required government administrative buildings, quarters and infrastructures befitting of a district headquarters should be at Pherzawl - the district headquarters of Pherzawl District.

The Pherzawl District is a district for all the kindred communities residing there and it is the collective responsibility of the denizens to pull in together for its welfare, peace, progress and development without any bias or prejudices.

Sd/-Lal Robul Pudaite
COORDINATOR

Sd/-Malsawmthang Ralsun
SECRETARY

MGP in Goa-ah Bawng that khap a dit

PANAJI: BJP le inzawm sawrkarna siemtu Maharashtra Gomantak Party (MGP) chun Goa state-ah Bawng that khapna dan siem dingin a dit a, chu le inzawmin hmalakna an fepei meka hril a nih. MGP leader le State Minister Sudin Dhavalikar chun an party in Goa state a Bawng that khap an thlawp thu le, Goa hmun hrim hrime Bawng that ta ngailo chu ƚa an ti tuu a hril.

Nitina Bawng zatel an that hlakna hmun Goa Meat Complex Limited khawm sawrkarin khar pek dingin MGP chun phutna an siem a. Dhavalikar chun RSS chief Mohan Bhagwat in ni 2 lientah laia India pum huopa Bawng that kapna dan siem a dit thu a hril thlawpnaa a hril a nih.

Minister chun phalna bo sa that le zawmna chau nilovin, a state sunga sa that le zawmna taphawt a thuhriin a huom thu a hril. Goa state sunga hin Bawngsa fa hlak tam tak an um a nih. (PTI)

ALL INDIA RADIO: CHURACHANDPUR PROGRAMME

Date: April 13, 2017 (Ningani)

TRANSMISSION- FM-101.4 Megahertz

| Hours | Studio/ | Programme |
|--------|---------|---|
| 4.53pm | CR/P | Signature |
| 4.55pm | | Vande Mataram, Time Reading, Opening Announcement & Mangal Dhvani |
| 5.00pm | P | Hymns to God : (Paite) - BYF Munhoih EBCC |
| 5.05pm | P | Local Announcement/Prog. Summary |
| 5.10pm | P | Minor Dialect (Simte): H. Thangminlian & party (dev) |
| 5.25pm | P | Scient Hints (Paite): Hepatitis- Dr Liangoumuan Samte |
| 5.30pm | P | PAITE Prog. Sig. Tune & Announcement Announcer: Goumalsawm 1) Bethany Male Voice (dev) |
| 6.00pm | P | HIMAR Prog., sig. Tune & Announcement Announcer: Olivia F. Tusing 1) Listeners Choice (mod) |
| 7.00PM | P | THADOU Prog., sig. Tune & Announcement Announcer: Vahkholam 1) Listeners Choice (Dev) |
| | | Farm & Home: Paite 1) Sangkhwai 2) Talk: Pakchindan- Chinkhanvung |

LAKTAWI

AP-ah Aadhar tehlem siemtu man ITANAGAR: Arunachal Pradesh hmuna Aadhar card tehlem siem hlaktu Jay Kishor Gupta chu zanikhan police haiin an man. Jay Kishor Gupta chu Roing Upper Market hmuna Computer dawr siemtu niin, Aadhar card chu man tlawmte te in midang a siem pek hlak a nih.

Upper Market hmuna Aadhar card tehlem siem hlak thu District thuneitu haiin intelligence report an hmu le inzawma Gupta chu man a nih. Documents pawimaw tam tak le registration number UID 587109 anga siem certificate (No. NS217705) khawm police haiin an man bawk. (TNT)

Pak HC tuola Army veteran han protest

NEW DELHI: Pakistan military court in Kulbhusan Jadhav that dinga a chungthu a rel an dem ziele an lungawi nawna suklangna in, zanikhan New Delhi hmuna Pakistan High Commission tuolah Army veteran haiin protest an nei. Ex-Naval officer Jadhav chu Pakistan intelligence agency haiin Iran a inthawka an man, a hnunga Islamabad hmuna enthlata (spy) sinthawa intum nawk niin AIR report chun a hril.

PM in a sun thu a puong

NEW DELHI: Union Minister hlui Akhilesh Das (56) chu zanikhan lungphu chaw leiin a thi a, a thina le inzawmin Prime Minister Narendra Modi in a sunna thu a puong. PM chun Akhilesh Das in vantlang ta dinga sintha a thaw hai hriet zing a ni ding thu a hril. Das chu zalenna suolto le UP Chief Minister hlui Pradesh Babu Banarasi Das a naupa a ni, UPA-I in sawrkarna an chel laini Minister of State for Steel waphurna a chel a nih. Das chu term 3 zet a zawma Rajya Sabha member niin, Badminton Association of India a President ni lai niin AIR report chun a tarlang.

Iran Presidential election-ah Ahmadienjad

TEHRAN: May 19, 2017 a Iran Presidential Election hung um dinga chun President hlui Mahmoud Ahmadienjad chu ngir ve dingin zani hmasa khan in registered in paper peklut tul hai a peklut. Mr Ahmadienjad hin kum 2005-2013 sung klan President sin a lo chel a nih. President ni lai Hasan Rouhani khawm a term hnina dingin ngir nawk a tum a, sienkhawm a lan register nawh. Hi election dinga in register theina hun hawng tan ni April 10, 2017 khan nuhmei 6 thangin mi 120 chuon in registration an thaw. Irinni hin screening um a ta, final candidate list chu April 27, 2017 in puong ning a tih.

Mamata luman dinga Rs. 11 lakh puong; Parliament in a dem

ALIGARH: West Bengal state a Hanuman Jayanti huna Lord Rama inzana suklangna a rally neia slogan khek ruol hai hnawt darma dinga police haiin batons (thir hmawt chite) an hmang lein, BJP youth wing Bharatiya Janata Yuva Morcha (BJYM) thuoitu Yogesh Varshney in West Bengal Chief Minister Mamata Banerjee luman a puong. Mamata Banerjee luman chu Rs. 11 lakh dinga ti a na, Mamata lu pe theitu kuomah Rs. 11 lakh chu pek dingin Varshney chun a tiem a nih.

“Hanuman Jayanti ni klan Mamata sawrkan mipuihai a vuok a. Mi tukhawm zakuo annawleh kekawr sen a inbel taphawt police haiin na takin an vuok a nih. Hi thil hi ka hrietthiem nawh. Mamata Banerjee in Iftar party a siem a, Muslim hai a sawiselna thu khawm a hril. Mamata kuomah hi hi kan dawn nuom a nih, Hindu hai hi mihiem an ni ve sawi a ni? Mihiem an ni ve si chun, iengleia hienga vuok bik am an na? A lu mi pe thei taphawt chu Rs. 11 lakh pek ka tiem” tiin Varshney chun West Bengal sawrkan le police hai thilthaw a sawiselna in a hril.



Zani hmasaka Birbhum district hmuna police duty haiin rally neiha chu batons hmangan an hnawt dar a nih. Police hai chun thir dai an kei baw a, chu fethleng lui hai chu na taka vuok pei an nih. Hmun thenkhata chun police hai ban ngaisak lovin Hanuman Jayanti hmanga le inzawm chun mi sangtel rally ah an thang lui tho a nih. Liemtah Pathienri Khan Suri Police le Bir Hanuman Jayanti huoihawttu haiin meeting an nei a, Hanuman Jayanti le inzawmin meeting

le rally nei lo dingin thuthlukna an siem ni hril a nih. Chuong lai zing chun, zanita Parliament Budget session inthung chun BJP youth wing thuoitu Varshney a tawngbau chu theitawpa a dem thu a puong. Varshney a tawngbau le inzawmin sawrkan thlungpui chun West Bengal sawrkan dan anga a chunga hremna a pek thei thu a hril. Inpui pahni haiah Trinamool Congress (TMC) members haiin an hrillang ve veh a, Varshney tawngbau chu members haiin an dem thu an puong a nih. (PTI)

Kashmir-ah nundan pangngai nawk tah

SRINAGAR: Srinagar hmuna Lok Sabha by-polls nei leia ni 3 sung zet buoina a um hnungin, zanita inthawt khan strike thawtu hai in an chawlsan ta lein Kashmir phairuoma chun nundan pangngai a um nawk tah. Dawr hai hawng tan an na, sawrkan le private office, inchukna In, sumdawngna hmun le banks hai khawm hawng nawk vawng an ni tah. Election

leia buoina suok khan civil mi 8 in an hringna an chan pha a nih. Mi 8 thi hai laia 7 chu Budgam district mi an na, a dang pakhat chu central Kashmir-ah a nih. Civil mi hai thatna dodalna in Huriyat Conference a Syed Ali Shah Geelani le Mirwaiz Umar Farooq faction hai le JKLF haiin liemtah Pathienri a inthawt khan strike an puong tan a nih. (PTI)

Village 50,000 mobile network la tlung lo

NEW DELHI: India rama village 50,000 chu mobile network tlung nawna a la um a, chuon hai laia a tamna zuol deu hai chu Northeast state, Naxal hai inalna hmun, Andaman and Nicobar Islands le Lakshadweep hai niin Telecom Minister Manoj Sinha in zanikhan Lok Sabha-ah a hril.

state sunga mobile network la um nawna hai an report dungzuia data siem niin Telecom Minister chun a hril. India a Gram Panchayats 2,50,000 vel hai tlung ding 100 mbps a hrat broadband connection thawna ding implement thaw mek a na, phase-I na ah Gram Panchayats 1,00,000 hai pek phawt ding niin Telecom Minister chun a hril. (PTI)

Sumnhar hrietlo IT in Rs. 5,400 cr man tah

NEW DELHI: Demonetisation hnunga Income Tax Department hai hmalkana in dappui tum 1,100 thaw a ni ta a, chuon huna chun Rs. 5,400 crore sumnhar hrietlo an mansuok niin Union Finance Minister Arun Jaitley in Lok Sabha-ah a hril. Dappui chu follow-up nei nawk niin, an sumnhar le tax an pek dan inmillo mi 18 lakh vel hmsuok nawk an na, chuon hai chu a tlangpuiin demonetisation hnunga an

pawisa deposit hai le emil niin, 18 lakh hai chu online hmanga hriefienna siem dinga thu pek an nih. Finance Minister chun question hour huna zawna dawnnaa a hril a na, zawna an siem hai chu chipchier taka hrihfiena siem an nih. Tu ngirhmuna chu sawrkan in black money neituhai hremna a la pek naw niin Jaitley chun a hril bawk niin AIR chun a puong.

Speaker birthday an lawmpui

NEW DELHI: Zani kha Lok Sabha Speaker Sumitra Mahajan a pieng champa a na, Lok Sabha members haiin an lawmpuina thu a hril tawt. Lok Sabha inthung tan hma in members hai an ngir seng a, a birthday lawmpuina thu hriin hriselna tha tak leh sawt tak dam dinga an ditsakna thu an hril. Sumitra Mahajan chu zani kha a kum 73 tlingna a ni tah.

Parliamentary Affairs Minister Ananth Kumar in members hai po po ai-aw in a lawmpuina thu a hril hmasatak a, Lok Sabha Speaker khawmin a pieng champa an lawmpuina thuah lawmum a ti thu a hril ve. Thu a hril zawm peina a chun, Inpui inthung hun haia members hai na tak taka a ti hlak leia an hrietthiemna Speaker in a ngen.

BJP OBC MPs han PM inhmupui

NEW DELHI: Other Backward Classes (OBC) MPs haiin zanikhan Parliament-ah Prime Minister Narendra Modi inhmupuiina an nei. Inbiakna an nei zova BJP general secretary le Rajya Sabha MP Bhupender Yadav in chanchinbumihai kuoma thu a hriina a chun, OBC hai chu constitutional status pe a, National Commission for Backward Classes (NCBC) nei thei dinga hma laa remtina a

Khawsak inhuoi le harsa zuol mi crore telin constitutional status chu hamthatna an neipui phadung thu Bhupender Yadav chun a hril. Prime Minister chun ‘Sabka Saath Sabka Vikas’ thupui a nei le inzawmin mitin sukhmasawna a tum thu a lo hril. Lok Sabha in Constitutional amendment a passed-na le inzawma OBC MPs hai chun CM chu an inhmupui a nih.

UP loneituhai thanguina dinga Alu 1 lakh tonne inchawk ding

NEW DELHI: Uttar Pradesh hmuna Alu man tlakhuoi leia loneituhai harsatna thanguina dingin, central sawrkan chun Alu 1 lakh tonnes inchaw pek a ti. Alu chu tonne khat peiah Rs. 4,870 a inchawk dinga ti a na, a man pangngai bakah Alu chu tonne khat peiah Rs. 1,217.60 pei a pek belsa ang a nih.

UP hmuna Alu chungthu le inzawma Market Intervention Scheme (MIS) siem Union Agriculture Ministry in remtina a pek leia chu thil chu thaw thei ding a nih. MIS chu state agency in implement thaw ng a ta, 2016-17 crop year (July-June) sunga Alu ching hai chu tonne khat peiah Rs. 4,870 peia inchawk ding niin zanita Agriculture Ministry thusuok chun a tarlang.

State agency chun MIS scheme hnuoia chun a tlawm takah 1,00,000 metric tonne (MT) zawr suok a ta, a man pangngai baka tonne khat peia Rs. 1,217.50 chu central in tum a ti. Alu zawrna le inchawka ding hmun chu state agency hai le in paw in state sawrkan siem a ta, hawngna le inhlanna khawm nei ngal a tih. Alu hai chu loneitu ta chieng taka hriet hai chau inchawk dinga ti an na, chu thil chu indik taka zui a ni am ti state sawrkan enkaina nei a tih.

April 30 chena bank account le Aadhar thlung zawm ding

NEW DELHI: July, 2014 le August, 2015 sunga bank account hawng hai chu Know your Customer (KYC) details le Aadhar card April 30, 2017 liem hma ngeia banks le financial institutions haia pelut dingin zanita Income Tax department thusuok chun a hril. Chu thil chu FATCA regulations (Foreign Tax Compliance Act) le accounts hai chu an mil am

ti enchiengna dinga thaw ding niin IT department thusuok chun a hril. Hi thusuok zawm naw hai chu banks haiin an account blocked theina thuneina an nei a. KYC le Aadhar card hai chu peklut an ni charin FATCA regulations dungzuia an account hai chu enkai ni ngal an ti. IT thusuok bawsietu hai chu an phutaw hremna pe dingin banks tum tum le financial institutions hai chu IT in thu a pek bawk.

July, 2015 khan India le United States haiin US law hnuoia FATCA agreement an signed a, chu thil chu rambung pahni haiin financial information awl-sam taka an inpekswangna dinga ti a nih. April 30, 2017 chena Aadhar pelut naw hai chu an account blocked pek ding niin IT thusuok chun a hril. (TOI)

Opposition parties han President an inhmupui

NEW DELHI: Opposition party tum tuma leaders hai chun zanikhan President Pranab Mukherjee chu Rashtapati Bhawan hmuna an inhmupui a, an thil ngaimaw chi tum tum hai inziakna Memorandum an peklut bakah President chu constitutional democracy le ram mipui hai fundamental rights humhimna dinga inrawl dingin an ngen.

Opposition party leaders hai hi PM hlui Dr Manmohan Singh le Congress President Sonia Gandhi han aninrawi a, Left Parties, Trinamool Congress, Samajwadi Party, BSP, DMK, NCP, JD (U) le RJD tuoituhai khawm an thang. Rajya Sabha-a Opposition leader Ghulam Nabi Azad chun, India rama chu

sawrkarna an siem a nih tiin Azad chun a hril bawk. An Memorandum a hin Tariq Anwar (NCP), Satish Chandra Misra (BSP), Dharmendra Yadav and Neeraj Shekhar (SP), D Raja (CPI), Sitaram Yechury (CPI-M), Sukhendu Sekhar Roy le Kalyan Banerjee (TMC), Sharad Yadav (JD-U), V Elangovan (DMK) etc. han hming an ziek. (PTI)

May 1 a inthawt thautui man nitina thleng ta ding

NEW DELHI: International rates leh inruol taka an fe tlang theina dingin, May 1, 2017 a inthawt thautui man nitina thleng ni ta hlak dinga hril a nih. India rama petrol pump hai laia 95% neitu Indian Oil Corporation (IOC), Bharat Petroleum Corporation Ltd (BPCL) le Hindustan Petroleum Cor-

poration Ltd (HPCL) haiin chu thil chu an petrol pump haia hmang phawt an ta, chu hnungin India pum huopa hmang hung ni pei a tih. Hieng petrol company hai hin tuhin petrol pump 58,000 an nei mek a nih. Oil companies hai chun a bul tanna in khawpui 5 haiah thaw phawt an ta, In-

dia a petrol pump danghai a thaw dan ngaituo a ni pei ding thu Petroleum minister, Dharmendra Pradhan chun a hril. Nitina thautui man thlengna chu khawpui 5 hieng Pudukchery, Andhra Pradesh; Udaipur, Rajasthan; Jamshedpur, Jharkhand le Chandigarh haia tan phawt ning an ti. (TOI)



Kum 85 mi in Mount Everest tlang la kai nawk a tum

KATHMANDU: Khawvela tlang insang tak Mount Everest tlangsip kai tlung hai laia upa tak nina lo hau tah Nepali mi Min Bahadur Sherchan, tuta kum 85 mi ni mek chun a record thar siem tumin Mount Everest tlang la kai nawk a tum. Mr Min Bahadur Sherchan hin tlang kai dinga boruok inhawi le inhawng hun thla thar May thla khin metre 8,850 (29,035-foot) a insang Mount Everest tlang hi kai nawk a tum a nih. Mr Min Bahadur Sherchan chun, khawvela Mt. Everest tlangsip kai tlung laia upa tak nizing nuomna el khelah kum upa tieng hai sukphur le thalai hai



phurna petu ni a nuomna leia Mt. Everest tlangsip hi kai nawk tum a ni thu a hril a. Mani thil tum sukputling dingin kum (age) hin a dang ding a ni nawh ti thucha mitin inhrietir a nuom thu a hril bawk. Mr Min Bahadur Sher-

chan hi tu 17 le tusawng 6 zet nei ta a ni a, a hmasatakna dingin May, 2008 kum kum 76 mi a ni lai Everest tlangsip lawnkai in khawvela hi tlangsip lawnkai hai laia upa tak a lo ni a, sienkhawm kum 2013 khan Japan climber Yuichiro Miura (80) chun Mt. Everest tlangsip hi lawnkaiin record thar a lo siem a nih. Kum 2013 khan Mt. Everest tlang hi kai nawk a lo tum a, sienkhawm tlangkai dinga permit chungthuah sum le paia harsatna a nei leiin a hun taka permit a hmu hman naw leiin a thul a, kum 2015 klan kai nawk a tum a, sienkhawm simkhawle inhning hrat tak um leia vur intawl nasa tak tlungin tlangkai mi 19 zet tlangsip an kai tawp tepa vur in a vur hlum lei khan a lo thul ta bawk a nih. Tuta tum hin chu a thil tum hi a fe tluong ngei a beisei thu Sherchan chun a hril. (AP)

Sherchan hi kum 1960 a Nepal sawrkanin Swiss tlangkai pawl han Mount Dhaulagiri an kai ding tuma Liaison officer dinga an ruot a inthawt tlangkai lunglut tan a nih. Tuta tuma a record siem tum hi a hlawtling chun rambooina Syria ram hai anga inzin a, khawvela inremna le muongna um theina dinga campaign nasa taka tan a tum thu a hril. Khawvela Mt. Everest tlangsip lawnkai upa tak ka ni chun mipuiin ka rawl an ngai ka beisei tlat a nih tiin Sherchand chun a hril. (AP)

OFFICE OF THE MANMASI WELFARE SOCIETY Rgd. No 5 of 2001. Hqtr : Churachandpur. Manipur Dated the 12th April 2017.

SHARE HOLDER-HAI KUOMA INHRIETTIRNA

Manmasi Share Holder tukhawm, mani Nominee la sukfel lohai chun June 12, 2017 chen ah, Society Secretary Pu K Lienzathang, Nehru Marg kuomah sukfel ngei dinga inhrietir ei nih. Hun tiem sunga sukfel lohai chu, thina an lo tuok pal a ni khawmin an Share Value chu Ralna sum pek ruolin inhlanna ning an ta; Share Holder an nina khawm tawp zui ngal a tih.

Sd/- K Lienzathang, Secretary, Manmasi Welfare Society, Churachandpur. Sd/- Dr Rosiem Pudaite, Chairman.

INHRIETTIRNA LE NGENNA

Manmasi Cable Network chun Hmar Channel a hrana peksuok a nuomna lein ZRS/Hornbill Cable distributor ninaa inthawkin an hnuodawk a. Tuta inthawka thlakhat hnungah Hmar Channel umna phuisui deu hleka thaw tum a nih. Tuithaphai biel pumpui huopa peksuok tum a nih.

Thu chienglem hre nuom hai ta dingin Contact No. 9779708692 ah hin ngaiven thei a nih. Manmasi Cable Subscriber haiin mi lo hrethiem hram dingin kan hung ngen cheu.

Chun, Hmar hla/documentary/Function etc. iengikaikhawm peklut thei a nih.

Sd/- Isaac L. Sanate, Proprietor, Manmasi Cable Network Rengkai Muolhlum

Office of the VOCATIONAL TRAINING INSTITUTE Muolhlum, Rengkai, Churachandpur

INHRIETTIRNA

VTI, CCPur Training Centre-ah DRIVING inchuk nuomhai ta dingin batch thar hawng nawk a nita a, Rs. 10/- pea Application Form lakin April 18, 2017 chena submit thei ning a tih.

Thu chieng lem VTI Office, Rengkai hmuna ngaiven thei a nih.

Sd/- Programme Coordinator, VTI Rengkai, Churachandpur.

LAWMTHU HRILNA

Naupang fel le ringum, Lalmngai (13), s/o Rochanglien Faiheng of Saikawt Vengtang chun, ka Mobile phone sukhmang lo hmuin ka kuoma a mi pekkir nawk leiin hi Chanchinbu fethlengin mipui hriet dingin ka lawmthu ka hung puong a nih.

A sunga thil pawimaw tak tak a um a, tulai rama Phone inhmang inpekkir nawk hi thil vang tak a ni a. A chunga ka lawm hle a nih. Pathienin malsawmin thuoipei raw sen.

Sd/- Lalmalsawm, Chief of Muolbem

Boost up your energy to overcome tiredness with INSTANT Z.

Instant Z provides you-

- daily requirements of calories from carbohydrates. readily gets assimilated and emits energy to overcome tiredness. vital element for healing wound, transfer of energy and desire for food during convalescence. helps against stress and strains through overworking, leading to increased resistance to infection. great taste in orange flavour and special zinc for all kinds of ages.



-available at all leading medical stores.....

LAWMTHU HRILNA

Inhnawm harsa ka tiin ka tawl a na hlak a. A chang leh ka kawng a na a, kan hnawmna a inthawt thisen a suok hlak a. MV Azad Phusam ka pan a, a mi enkawl a inthawk ka hung dam ta a. Ami enkawl damtu chungah hin lawmthu ka hril, a pan nuom han Old Bazar, Teddim Road, Near ICI Church Road-ah pan thei le contact Nos. 801402567/ 7628890261 haiah ngaiven thei a nih. Time- 8:30AM to 3:00PM



Sd/- Lalzakham Vengnuam

Srinagar-ah polling booths 38 re-poll nei ding

NEW DELHI: Jammu and Kashmir a April 9, 2017 huna Srinagar Lok Sabha by-polls nei huna polling stations 38 hai chu thil fello a um leiin re-poll nei dingin zanikhan Election Commission in thusuok a siem. Chuong re-poll neina ding hai chu Chadoora, Budgam, Beerwah, Khan Sahib le Charisharief assembly constituencies haia mi niin, inthlangna chu wawisun hin nei ning an ti.

Observers haiin report an peklut le inzawma re-poll chu EC in nei dinga a puong niin, wawituk dar 7:00 AM a inthawk zantieng dar 4:00 PM chen inthlangna nei ning a tih. Lok Sabha by-polls chuliemtah Pathienri a kha nei a na, polling booths tharum insuona hmun hai re-poll nei dinga ti niin Chief Electoral Officer Shantmanu chun a hril. Vote tiemna chu April 15, 2017 huna nei ding niin AIR report in a hril.

Returning Officers le

Kate Middleton, A Sangnu Thien Ni El Thei

LONDON: Duchess of Cambridge, Kate Middleton unauu Pippa Middleton le millionaire James Matthews hai May 20-a an Inneina ding le inzawmin a unu Kate Middleton chun nasatakin a buoi pui zing a. Tulai hin an chei dan ding chenin a buoi pui a, Kate chu 'maid of honour' or 'matron of maid' ding khawmin a thang el thei niin insung tienga chanchin hretu pakhat chun a hrii.



James Matthews-in an Inneina ding chu St. Mark's Church, Englefield a nih thu a puonga inthawkin mi tin ngaivein a hlaw em em a. Britain lai sungkuo inthawk khawmin a tam thei ang tak thang an tum a. Tuchena thang ngei ngei dinga hriet thei chu William hai nupa le an nauhai, Prince George le Princess Charlotte le Prince Harry hai an nih.

Thudawngna dangin a hrii dan chun, Prince William le Kate han an nauhai George le Charlotte mipui laia pholang bek bek an nuom nawa chu, an nute pasal nei ni ding a ni leini George chu "Page boy" le Charlotte chu "Bridesmaid" anga thang dingin an inbuotsai niin a hrii a. William le Kate haia inthawka namnghetna ruok chu a la um nawh.


Kate hin a sangnu pasal nei ding hi nasataka tawiam a nuoma chu, langsar taluo a che chun a sangnu nek inlar lem a ta, hlie vavng pal an lau leini a tam thei ang tak inlang lo a tum niin thudawngna chun a hrii baw. Inneina hi family thil deuva thaw tum a ni leini mi

tlawmte chau fiela zo el an tum niin a hrii. Kar hmasak khan Kate hi a sungai inah va fein thaw dan ding tam lem chu a va hrii tah niin a hrii baw.

An Inneina hi a ropui bek bek naw khawma, Kate chun a sangnu le an ma kpa ding James hai chun an inhuolna engagement hi a hlimum thei ang patawpin hun lo hmgang hai sien a nuom pui a. Insukhlamma ding hmun tha a hriet hai le incheidan chenin a kawkmua nia hrii a nih baw. Farnu pasal nei tah hnungin inpuiah thu an nei taluo chun buoina a suok nuom ti dam kha a um pal el dim.

Johnny Depp-in Film Thar a Chang

LOS ANGELES: "Pirates of the Caribbean" star 'Captain Jack Sparrow', Johnny Depp, kum bul lai ela a nuhmei hmetha tak Amber Heard le inthe zo chau, kum 53 ni taa chu la tlangval deu Johnny Depp chun an inthe hnunga a film chang hmasatac dingin Thawtanni khan Los Angeles downtown ah "Labyrinth", 1990s laia Tupac Shakur le Biggie Smalls hai that an nina suina film thar a chang lai hmu a nih.



Depp hin a tak taka LAPD detective Russell Poole, mi thata umhai thina suitu lem a chang a. Sigar (lekhaziel) tawite pak khu hlep hlep, a sam nam panga khui tun, LAPD uniform, bullet proof le arm-pit holster (zak pistol) paiin camera umna tieng chu a pan thek thek a. A pa thek thek khawp el. LA khawpui mipui kara police officer pakhat mani sin titakzeta thaw lai mek lem a chang a. Movie siem zo hma khawmin a lem chang lai ennuom a um hle.

Khan Johnny hin a sum le pai enkawltu agency TMG hai chu a hek nawk a. An sum enkawltu indiknak le thiemnaw leini vaibelsie tamtak sie (tax) le lei (penalties) a chawi pha niin a hrii. TMG chun hek let vein, inhawi chen ngaina mi actor hin inhawi chen a ngai thupui taluo leini a sum le pai tamtak a khawral a nih, an ti ve thung a nih.

Hi movie hi 2002 non-fiction "Labyrinth" ti Rolling Stone journalist Randall Sullivan ziek besana siem a nih. Johnny Depp hin May thlaa tlangzar ding Disney le contract an nei sa "Pirates of the Caribbean" series pangana ding a promote-na dingin hun tawite chau a nei tah a. Chu hma chun tuta film hi zofel hman an tum a nih.

Sum le pai le inhlemna le lemderna khawvela chun tu'm an indik lema, ti hriet an tah nawh. Lemderna khawvela hin sum le pai a lo tamtak a, buoina le suol khawm lo tam a nih.

UEFA CHAMPIONS LEAGUE:

Paulo Dybala goal 2 le Giorgio Chiellini goal khat hmgangin Juventus chun Barcelona 3-0 in an hne

UEFA Champions League Quarter Final inkhel Thawleni zan khan pakhat a um a. Italian Club Juventus chun Spanish Club ropui Barcelona an lo mikhual a, goal thum tawpin an lo hne. Inkhel tan hlima inthawk minute 7 na chauah muol-neitu tieng chun Argentina international Paulo Dybala hmgangin goal an thun ngah a, chu zo sawnawte minute 22 naah ama bawkin goal khat a thun nawk a. Half chenah 2-0 in hma an thuo.



Half zo minute 55 naah Giorgio Chiellini chun Juventus ta dingin goal pakhat a thun nawk a, Barcelona tiengin goal thun tumin theitawp suo hai sien khawm hun tawp chenah an thun thei naw leini Leg 1 chu Juventus tieng an hrat hrii phawt a nih. Anni hi kar nawk Nilaini khin Leg 2 inkhel an ti. Barcelona ti Inkt 16 khawm mak taka fethleng an ni a, 4-0 tawpa hrat naw hnung Leg 2-a hung hrat lem an ni lei hin

Leg 2 a hin hrat nawng an tih ti thei an nawh. Inkhel thununtu lem Barcelona a hrat naw lemin an thang hrii rek a. Barca hin ball possession 66% an nei phak a, anachu goal shot vawi 3 char an nei ve thung.

Barca Coach Luis Enrique chun, "Kan ta ding chun zan mangsie ang el a nih. Kan vangduoi a, Coach ni lang khawm inhrilfie dan ding ka hriet hlawl nawh," a ti tawp. Juventus le Barca hi 2015 Finalah khan an lo intuok tah a, kha tum khaw Juventus chu 3-1 in an hrat naw lem a nih. Leg 2 chena an hrat chun chu phuba chun an lak ding tina a nih.

Argentina chun an Coach Edgardo Bauza an ban

Kum 1974-a inthawka tiemin Argentina Coach nina chel tawi tak dingin zani hmasak khan Argentina Football Association chun an Coach Edgardo Bauza an ban. Ama hin Argentina team hi inkhel vawi 8 a enkawltu hman a nih. Tuhin Argentina hi South American Zone World Cup Qualifying-ah pangana an ni mek a, palina chen an kai ding



a ni a, inkhel vawi li la um laiah beiseina chu an la nei thei a, anachu an chungaha hai an hrat ve pei chun kum

nawk World Cup-a inlang naw that thei ngirhmunah an um leini Coach hi thleng tulun an hriet a nih.

A tawp chenah pangana an lo ni khawma play off la nei thei an ta, Oceania tienga mi rambung pakhat leh in-el an ti. Argentina FA President Claudio Tapia chun, "Kan national team hi an inkhel sie hle a, khawvel mitinin an hriet," tiin a hrii.

Sadio Mane: Season tawp chen inkhel thei talo ding

Liverpool forward Sadio Mane chu a khupa hliemna atook leini thla hni sung zet inkhel thei talo dinga ngai a nih. League match paruk char inkhel ding nei tah Reds ta dingin season tawp chen an lang thei tanaw ding tina ning a tih.



Kum 25-a upa forward hi Merseyside Derby-a Everton le an inhamasoun tumin Leighton Baines leh ball an inchna-ah a che-suol a, Reds manager Jürgen Klopp chun a player hin tuta season la um poa

hin an lang thei a ring tanaw thu a hrii. At a ngai ding thu hrifel ani le inzawmin a chaw! hun sung ding hi sukfel a hung nita a nih.

Senegalese forward hin nikum nipui transfer lai khan Southampton a inthawkin Liverpool hi pound

IAAF chun Russian inkhelmi 7 neutral athletes anga inkhel thei dingin a pawm

International Association of Athletics Federation (IAAF) chun November 2015 a sawrkar thangpuina-in doping thaw nia a hriet leia Russia a hremna le inzawmin inkhelmi pasarihai chu

an fihlim anih ti sukchieng ani hnungin inkhel thei nawk dingin phalna pek an nih. Hinghai lai hin 2015 World Championship Beijing hmuna neina-ah 110m Hurdles gold medal latu

Sergey Shubenkov khawm a thang. 2016 Olympics, Rio hmuna neia khawm khan Russia hai hi an thangnaw hrim anih. Tukum August thla a London hmuna World Champion-

Janet Jackson, \$800 Million ah Rochan Tha Tawk

LOS ANGELES: Hlasakthiem le lam thiem Michal Jackson a farnu, lam le hlasak thiem baw Janet Jackson (50) chu a pasal Qatar mi sundawng hausa Wissam Al Mana leh kum nga lai an innei a, nau khawm pakhat an nei hnunga thla hmasak laia inthawka inthe dinga an um a inthawkin a pasal hausakna \$800 million a inthawkin rochan tha tawk tak a hmu thei ding niin TMZ le Page Six hai chun an zieklang.



Janet Jackson le multi nation company Al Mana neitu Wassam Al Mana (42) hai hi 2012 kham an innei a. Tu kum January 3 kham naupasal Eissa an nei a. A pasal hi company sina buoi em em, sawl thei taluo le ina um hman meu lo a nih a. Janet hlak nau a neia inthawkin a naupa enkawl ngai pawimawtaka insunga hun hmgang tah a nih bawk a.

khawm Islam sakhua-a lut anga hrii a nih. Amiruokchu, amaa inthawka puongna ruok chu a um nawh. A fena na kham Muslim nuhmeihai khum hlak Burkina (puon lukhum) a khum zing hlak leini Islam-a lut nih dinga ring a nih.

Ni kuma a world tour ding "Unbreakable" khawm, stadium 36 zeta concert nei dinga plan sa vavng an nau nei ding le inzawma thul vavng kha a nih bawk a. Hienga an hmgazaw ve vea an buoi ve ve lei hin a hnan ve vea um an rel el tah a nih. Inmakna ding lekha ruok chu iengkhawm an la siem nawh.

Sakhua inang nawna khawm hi an nupa inlaichinna det nawna pakhat niin an lang. Janet Jackson chun Pathien hla dam a la sak nuom chang a um a, tawngtaina hi ngai pawimawtak sungkuo an lo ni bawk, a pasal sakhua mi naw

Kum nga sung khan inrem takin an um a. Thaw khat tak lem kha chu Janet Jackson

Cara Delevingne'n PUMA Summer Collection Thar

LOS ANGELES: Ni lum a hung intan mek le inzawmin, inchei dan inhawi tak le nal si, hmusit um si lo mit la tak nih si, abikin nuhmeihai ta dinga nal deu deu chi hran hran, PUMA Springs/Summer 2017 collection thar pholangna dinga, "PUMA Do You" ti Campaign le inzawmin Cara Delevingne chu motor bike chungang chuonin an pholang a, an hme kher el.



Kum 24 lai a lo ni taa chu a nal deu deu amanih ti dingin a um. Sportswear var vavng, kekawrbul insing deu, zakuo awmbawr chau huom ban bul, phing inlang thei, 'loose crop top' le lukhum var (baseball cap) le sport shoe bunin motor-bike dum chungang a chuong a. A kawng iner awtin, malpui thler nam zatin a mawng a daw deuh ar a. A sam buong thal vawitieng inltakira hmgatieng a hung mel kar lai lim hmgang a nih a. Ama an hme anga inhmepui ve dinghai ta ding chun Puma brand hi tha heng a tih.


nih PUMA thiltum chu" tiin a hrii.

British model, September 2016 a inthawka German company Puma ta dinga model Cara chun, campaign na thu le inzawmin, mani inringzo tawka, incheina kawnga inhawi ti taka um theina ding chun, mani nidan dana um hi a tha tak niin a hrii a. Chu chu, "Do You" campaign hin fie takin a tarlang a nih" tiin a hrii. "Pangngai taka i nina angkat ni theina chu #Do You hi a nih. Mani nina indiktak pawmna a nih a, mi sukhrattu thatak a nih. Chubakah, mani nina indikta hriet suoka, chutaka um tlat a

Mani inringzo tak Cara chun, "Do You campaign hi mani inringzona inchuktirna a nih ngah a. Abikin, mi tin mani nina indiktaka huosen taka ngir tlat dinga infauna khawm a nih" tiin Sportstyle le Bodywear chi hran hran le in-pose-in a hrii baw. Cara hi a tir chun sports bra dum chau promote dinga hmgang a nih. PUMA chun an ambassador thar angin an pholang, Rihanna le Kylie Jenner hai leh khawm lo thaw tlang tah a nih. PUMA "Do You" thuumhnawhai hi April a inthawkin inchwak thei a nih tah.

Rachel Hilbert, Maxim Magazine Editorial ah

LOS ANGELES: A tleirawl tira inthawka lam thiem chak, hmetha le pieng nal, natural grace nei tak el Victoria Secret model ni lai zing Rachel Hilbert (22) chu a hmetha le pieng nalzie suklangin pasal magazine inlar Maxim editorial-a dingin nal tak takin an pholang. Rachel hin inchei dan chi hran hran, zakuo hnuoi chi hran hran, crop tops an ti, awmbawr lai chau huop zakuo inphan bodice bovin a haka, kekawrte dum le mawza dum chauh bunin, a nalna po po an lang vavng a, mit a tlai hle. Maxim magazine a ni angin 'maximum beauty' a nih.



Wassam le an innei hma hin Janet hin pasal vawi hni a lo nei tah a, Wassam hi a pathumna a nih. 1984 kham singer James DeBarge leh an innei a, a kum nawk an inthe a. 1991 kham Mexican back-up dancer Rene Elizondo leh an innei a, 2000-in an inthe a; drugs a thaw leini tiin. Janet-in \$10 million a pek nia hriet a nih. "Rhyme Nation" album an siem thua an inrem naw lei khawm a nih.

Kum iemani chen makata a mal tlat hnung le a u Michal Jackson a hung thi tah bawk leh, 2012 kham Qatar sumdawng hausa Wassam leh an innei a. Um kawp zing an thei tah naw leini inmak an rawt tah a nih. Kum 5 an lo innei ding tah leini Janet hin a pasal rochan laka inthawka 50% bek a chang thei ding a nih.

Rachel Hilbert, Maxim Magazine Editorial ah

chu a lo inpholang tah hlak. Rachel hin infiemna chu boxing a ngaina a, bu ruok chu Indian dish or Middle East dish a du. The Fashion Spot a hrii dan chun, "Angle nal tak hriet theina ding chun darthlalang hmaa in pose sin a, ke sipa ngira iner vel thaw thang a tha" tiin a hrii a. "Mani inringzona neina ding chun exercise huntawk laka practice ngun a nih" tiin a hrii baw.

Kha hma deu kham Teen Vogue kuomah, "Professional dancer ni ka nuom a, lam kan chuk nasa thei em em. Class hran hran Jazz, ballet, tap, ka lak vavng a nih" tiin a hrii. Rachel hi kum 19 a nia inthawkin Victoria Secret model a lo nih tah.

AIFF le MFA haiin Futsal Introductory Workshop Aizawl khawpui-ah

All India Football Federation-in India rama Futsal tha taka feupi tumin hma alak meka, AIFF le Mizoram Football Association hai thangkawpin April 18, 2017 khin Rajiv Gandhi Stadium, Aizawl khawpui-ah Futsal tieng inhrilhriet hun buotsai ning an tih.

Futsal, Comparison between Futsal and Football le a dang a danghai hrilhetna nei ning a ta, practical khawm nei ni bawk a tih.

Hi hunser hi, "Futsal Introductory Workshop" ti ning a ta, AIFF le MFA haiin mawphurna lang an tih. Resource person dingin Sanjay Kumar, AIFF Senior Manager, Competitions thang a ta, ama hi Asian Football Confederations huoina Futsal le Football-a Match Commissioner a ni bawk a nih. Hi bakah hin Asia khawmuol hran hran haiah AFC Futsal Competition match commissioner in alo thang hlak bawk a nih. Hi hunsera hin thupui dang dang-Futsal Laws of the Game, Futsal in Asia, History of

AIFF haiin "Futsal Introductory Workshop" an nei zo hnung hin Futsal Referee Instructor le Technical Expert hai khawm hung tir nawk pei an ta, iengkim fel taka inhrilhriet ani zo hnungin India ram po po huopin Futsal inelna an buotsai ding a nih.

AIFF haiin India ram sunga mumal taka Futsal an feupi tumna le inzawmin, AIFF Executive Committee March 23, 2017-a meeting an neina kham AIFF Futsal Committee an indin a, hi le inzawmin hin Mizoram khawmin MFA Futsal Committee indin-in, MFA hmalakna-in May 4, 2017 a inthawk khin Aizawl khawpui-ah Futsal Cup 2017 inkhel tan ning a tih.

Formula 1: Malaysian Grand Prix um ta lo ding

Formula 1 calendar-ah kum 19 zet a um hnungin Malaysian Grand Prix chu kum thar 2018 anthawkin peihmang ni tang a tih. Inelna tawpna tak ding October thla khin Sepang International Circuit-in intun a tih.

Formula 1 Grand Prix hin entu le hlut-saktu a hung hau naw deu deu a nih. Chu el khelaha a hmun umna hi khawpui anthawk mel 60 lai zeta hla ani leini ennuomtu hai inlawm velna ding a hung buoithlak hlak leini chuoi tieng a hung pan a nih.

Sepang International Circuit hi Japan ti lovah Asia a dinga Formula 1 inelna hmun hmasatak ani a, kum hung fe pein China le Singapore-ah hai inelna hmun hun buotsai pein, China hin mipui an hau reng reng leini le Singapore-ah hin mipui hipna ding thil

a tam lem leini Malaysian Grand Prix hin entu le hlut-saktu a hung hau naw deu deu a nih. Chu el khelaha a hmun umna hi khawpui anthawk mel 60 lai zeta hla ani leini ennuomtu hai inlawm velna ding a hung buoithlak hlak leini chuoi tieng a hung pan a nih.

Klitschko le Anthony April 29-ah an inhnek ding; British history-a entu mipui tam tak la ni dinga ring



Boxing inhnik hai ta dinga ennuom um tak ding Ukraine mi Wladimir Klitschko (41) le Britain boxer Anthony Joshua (27) hai chu April 29, 2017 khin Wembley, United Kingdom hmuna an inhnek ding a nih.

Kum zawnga chun in upat hlei vieu hai sienkhawm an profession boxing career a chun du-oilo tak ve ve an ni leini ennuom um tak dinga ngai a nih. An inhnek huna hin entu mipui 900,000 chuong an fekhawm ring a ni a, British history-ah boxing inkhel entu mipui tam tum tak la ni dinga beisei a nih.

Wladimir Klitschko chun an hnekpui ding Anthony Joshua hi a cho et et hle.

Klitschko hi November, 2015 kham Tyson Fury lakah a heavyweight title a lo chan a ni a, tuhin IBF, WBA Super le IBO titles inchu dingin Anthony Joshua leh an inhnek nawk ding a nih. Fury laka Klitschko a tlawm kha kum 11 liemta sunga Klitschko in hnebanna a tuok wawikhata a ni a,

| | |
|---|--|
| 14TH HMAR MARTYRS TROPHY 2017 | |
| FIXTURE: April 13, 2017 | |
| 1:00PM- FAST 'B' v/s Lenlai Club | |
| 2:30PM-Korte Brothers v/s Muvanlai Athletic | |
| RESULT: April 12, 2017 | |
| 1:00PM- Leisen FC-4 v/s Shanveng FC -1 | |
| 2:30PM-UKB-2 v/s Kapthuum Mem. Team-0 | |